



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Vitae Sanctorvm

complectens sanctos Mensium, Aprilis, Maii & Ivnii

**Lippeloo, Zacharias**

**Coloniae Agrippinæ, 1603**

Vita & Martyrivm S. Apostoli Philippi, quo coronatus est anno Christi 54.  
Claudij verò Imp. 12. apud Hierapolim Asiæ ciuitat. Ex Breuiario Romano &  
ijs quæ sunt apud Metaphrasten.

**urn:nbn:de:hbz:466:1-42716**

412 VITA & MARTYR. S. PHILIPPI  
stim à ministris diaboli athleta Christi gratia  
sine fine Deo agens, quòd eum tanta gloria di-  
gnum faceret, & triumphū de diabolo, cui nul-  
la in terris potestas comparari potest, adeò glo-  
riosum concederet. Perductus igitur extra muros  
martyr, lapidibus cæsus beatam animā Chris-  
to tradidit: cui est honor & gloria in secula se-  
culorum. Amen.

Lapidibus  
obruitur 3.  
Martyr.

## M A I V S.

C. Baron. to.  
1. Annal.

VITA & MARTYRIVM S. APOSTOLI  
Philippi, quo coronatus est anno Christi 54. Clas-  
sij verò Imp. 12. apud Hierapolim Asia ciuitas.  
Ex Breuiario Romano & ijs que sunt apud Me-  
taphrasten.

1. Maij.

Patria eius.



HILIPPVS Christi Iesu Aposto-  
lus, Bethsaida ciuitate Galilæe ori-  
undus, cum à parentibus in omni  
laudabili disciplina optime esset  
institutus, libros perlegit Moïsaicos,  
& quæcunque fuerant prædicta de Christo my-  
steria, alta mente recondidit. Postquam verò  
Christus Dominus in Galilæam venisset, ac hunc  
magnum inuenisset Philippum, eum se sequi  
iussit. Qui protinùs diuino splendore mirifice  
illustratus, veræ salutis authorem agnouit, cu-  
ius aduentum in terris Prophetarum omnium  
vocibus promissum iam antè legerat, eumque  
securus est itaque Christo tota mente & corpore  
adhærens, tanta ex eius consuetudine ac stupen-  
dis rerum factis admiratione, cum eximia volun-  
tate coniuncta affectus est, vt alios similiter  
primæ

Philippus  
vocatur à  
Christo.

primæ notæ amicos & familiares vehementer  
alliceret. Inter quos Naichanaelem virum mira  
simplicitate prædium, & omnis doli ac fraudis  
ignarum ad Christum adduxit. Qui adductus, in  
consideratione bonitatis Christi exultans: Magi-  
ster, inquit, tu verè Rex es Israelis. Christus autè  
ea hominis pietate ac fide delectatus, verbis cla-  
rissimis se unicum patris filium, ad humani ge-  
neris salutem in terras missum, ostendit.

Ab illo verò tempore, Philippus Christi di-  
scipulus factus, quotidiana Christi miracula spe-  
ctabat, animusque ad cælestium rerum amorè  
ardentius excitabat: & alios prava opinione im-  
butos, mirabili charitatis studio veritatis studio  
luce illustrare conabatur. Hinc quidam ex ijs qui  
falsa gentilium religione miserè constabantur,  
cum Hierosolymam ad summam Iudæorum  
festivitatem adoratum venissent, fama rerù ad-  
mirandarum quas Christus gerebat provocati,  
ad Philippum accesserunt, seseque visendi Chri-  
stum vehementer cupidos dixerunt. Philippus  
autem salutis miseræ gentis avidus, re cum An-  
drea prius communicata Iesu eos præsentavit,  
qui protinus de imminente passionis suæ igno-  
minia & gloria eis differens, luculentis verbis o-  
stendit, similitudine ex grano in terram misso  
sumpta, se crucis & mortis supplicio omnibus  
sempiternam salutem & gloriam alluturum.

Postquam verò mundi totius salute egregiè  
constituta, victor Christus Iesus glorioso trium-  
pho cælos conscendit, protinus Apostoli in opus  
sedulo incumbentes omnes mundi partes euan-  
gelij face illustrandas susceperunt. Cumque alij  
Orientales, alij Occidentales sortirentur, admi-  
rabili huic Apostolo Asia obrigisse fertur. Quam  
quidem

Philippus a-  
lios ad Chri-  
stū adducit.  
Iohann. 1.

Ioan. 12

Philippus in  
Asiam mit-  
titur ac ibi-

Philippus in  
Asia mitti-  
tur, ac ibidē  
innumerabi-  
les ad fidem  
Christi con-  
uertit.

Missæ cele-  
bratio.

Hierapollim  
petit.

quidem tanta virtute peragrauit, vt innumerabi-  
lem hominum multitudinem euangelio gene-  
rit, ac salutaribus aquis expiatis regni caelestis  
confortes effecerit. Et quidem cum mentes in  
scelere penitus obduratas, nulla verborum vir-  
tute emollire posset, facta admiranda adhibebat,  
prorsus vt omnia morborum genera, solo verbo  
vel sacrae manus suae contactu fugaret, demoni-  
que ex obsessis corporibus, non sine ingenti stu-  
pore expelleret. His rebus, fidei pietatisque  
fundamenta egregie collocabat, & aduer-  
sarios liuore & inuidia inflammatos confundebat,  
adeo vt vel inuiti diuinae virtutis testimonium  
Philippo praebere cogerentur.

Hinc Apostolus demolitis demonum aris, sa-  
era Christo altaria erexit, & viros eo munere di-  
gnos constituit, qui sacra ibidem mysteria pera-  
gerent, iamque maior indies credentium nume-  
rus fiebat, certatimque quilibet suum Christo  
nomen dare ardebat, cum Philippus caelesti pro-  
meritis gloria coronandus, ex hac vita a Domi-  
no vocabatur. Est ciuitas in Phrygia rerum om-  
nium opulencia, & aedium magnificencia insignis,  
Hierapolis dicta: quam Apostolus vt intellexit  
simulacris deditam, & nefaria superstitione, ni-  
ferissime conflctatam, protinus diuino spiritu  
conceitatus, gressus eodirexit ibique aduocata  
concione, luculenter admodum de vnus & sempiterni  
Dei omnipotentia disseruit, & Christi in  
terris aduentum meridiana luce clarius expo-  
suit: omnesque in communi hortatus est, vt reli-  
ctis demonum praestigijs eum agnoscerent, qui  
pro salute omnium preciosum sanguinem fundere  
minime dubitasset, & acerbissimis supplicij  
sponte susceptis, nos a sempiternis cruciatibus

bus sceleribus  
Hac al-  
serentem,  
sarij corri-  
destruunt  
gris verbe-  
in cruce  
pus ibidem  
delatum,  
na cum co-  
est.

VITA E  
Apostol  
rum Ep  
sten. Ca  
verò i

N  
ti  
ri  
ad inasti  
nem exci  
tam res a  
que virtu  
stimulos  
laudis in  
Agedum  
bum in n  
virtute lu  
rebus ill  
ptate con  
Et qui  
patrem,  
pturis M  
dicitur)

bus sceleribus nostris debitis eripere voluisset. Hæc aliaque non sine fructu Apostolum disferentem, quidam diaboli invidia concitati nefarij corripuñt, vinculisque iniecitis in carcerem detrudunt. Indè verò maiori furore agitati, flagris verberibusque eum concidunt, ac postremò in crucem actum lapidibus obruunt. Eius corpus ibidem à christianis sepultu, postea Romam delatum, in ecclesia duodecim Apostolorum vna cum corpore beati Iacobi Apostoli conditum est.

Apostolus capitur & dire cruciatur. In cruce suspensus lapidibus obruitur.

VITA ET MARTYRIUM S. IACOBI

Apostoli fratris Domini, & Primi Hierosolymorum Episcopi, Ex ijs quæ exstãt apud Metaphrasten. Coronatus est anno Redempto. 63. Neronis verò Imperatoris 7. Postquam sedisset annis 29.

C. Baronj tom. 1. Annali

Nihil sanè est viro bono & virtutis amanti æquè iucundum, atq; viri iusti memoria. Ea enim præterquàm quòd animos ad inestimabilem quandam lætitiæ, magnitudinem excitat, tantam etiam vtilitatè adfert, quantum res alia in terris potest nulla. AEmula namque virtus ad res præclarè & fortiter gerendas stimulos addit, nec patitur animum cupiditate laudis incensum, otio vel torpore languescere. Agedum igitur nos quoq; magnum illum Iacobum in medium adducentes, qui eximia quadam virtute iusti nomen assecutus est, communem ex rebus illius vtilitatem, cum non mediocri voluptate coniunctam capiamus.

1. Maij.

Et quidem patria Iudæa oriundus Alphæum patrem, matrem verò Mariã (quæ in sanctis Scripturis Maria Iacobi, interdum Ioseph mater, dicitur) habuit. Hic quidem propter insignem

Patria & patres Iacobi,

virtu-

